



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Nicolai Revsneri Ivrisconsvlti Therothermae, siue Aqvae  
Ferinae**

**Reusner, Nikolaus**

**Lavingae, 1581**

**VD16 R 1499**

LXXIII. Ad Fridericum à Pleiningen Eq.

**urn:nbn:de:hbz:466:1-12416**

Matthiæ Berbingero Ec-  
clesiastæ Caroloburgio.

*Prudens errorem citò corrigit, atque fatetur:  
At nihil imprudens detrahit ipse sibi.*

LXXI.

Ad Io. VVölfgangum ab  
Anvveyl EQ. & Conf. VVirteberg.

*Paruo fames, fastidium ferè magno  
Constat. fatetur quisque, credit baud quisque  
VVOLFGANGE. sed sic res habet. paruo  
Natura poscit: ast opinio multum: (quis)  
Magnamque copia indigentiam magna  
Parit magis, quàm inopia magna. nam verum  
Quod Comicus dixit: Profectò contentus  
Vt quisque minimo semper hic fuit: vitam  
Ita beatam maximè sibi duxit.*

LXXII.

Helfrido Senftio  
à Suleburg EQ.

*Qui sanctis pâret subiectus legibus vltro:  
Vir bonus, & cuius dicitur esse bonus.*

LXXIII.

Ad Fridericum à Plei-  
ningen EQ.

Quisquis opes, & virtutem lance aestimat vna:  
Vna, videt, virtus quod opes præponderat omnes!  
Sic quò quisque animo est viciosior: ima requirens,  
Fortunam cælo locat: & ceu numen adorat,  
Propter opes. at quò sapientior ille: subinde  
Contemptis opibus, virtutem quærit amicam:  
Fortuna securus, & omni ditior auro.

LXXIV.

Iacobo Cleinhanfio

Reutæo.

Es fastus pater est, & cura filius aurum:  
Si quis habet, metuit: sin minus, ipse dolet.

LXXV.

In Ioan. Baptistæ Hainzelij

Patr. & Septemviri Augustani obitum

LACRYMÆ.

Ad Fratres Hainzelios.

Luxit, at eluxit nondum gens tristia fata  
Que Patru: luget nunc quoque fata Patris.  
O dolor! ô lacrymæ! iam spes simul occidit omnis:  
Mors, iam vita, nec est iam sibi vita magis.  
Omnia sunt genti pariter mors tristis, & vrbi:  
Eunus in hoc vno funere tota fuit.  
At modò quis viduæ sanctas reget vrbis habenas?  
Aut quis opem miseris, consiliumque dabit?

C 2 Cernis,